

十朝东华录

康熙朝第三函

函七册

爲暴虐無所不爲不知忠孝不識廉恥行事乖戾有不可言者推其故皆由瘋狂成疾迷惑所致此疾有二十餘載矣凡人醉後傷人醒時知悔伊似長醉不醒所爲過惡身不自知伊之儀表及學問才技俱有可觀今一至於此非瘋狂而何自廢而復立以來朕尤加教訓心血耗盡因伊狂疾終不痊愈故又行廢黜孟子云父子之聞不責善責善則離離則不祥莫大焉大學云人莫知其子之惡蓋父之於子嚴不可寬亦不可誠爲難事如朕方能處置得宜耳爾諸大臣俱各有子凡人幼時猶可教訓及其長成一誘於黨類便各有所爲不復能拘制矣立皇太子事未可輕定特召集爾眾大臣明示朕意趙申喬所奏摺著發還○辛亥福建巡撫覺羅滿保請於九仙山建立 萬壽碑亭 上不允○宗人府等衙門奏託合齊肆行悖逆罪惡重大今雖於監禁之處病故應將伊到屍揚灰不許收葬伊子舒起仗父威勢恣意橫行應擬絞監候從之○甲寅諭大學士等朕昨問投誠海賊陳尙義伊等出洋行劫遇西洋船隻懼其火器不敢逼近惟遇東洋商船則掠取其銀米亦不盡取以此商船仍往不絕也中國與西洋地方俱在赤道北四十度內海洋行船中國人多論更次西洋人多論度數自彼國南行八十度至大狼山始復北行入廣東界常六閱月在海中不見一山又自西洋至中國有陸路可通因隔鄂羅斯諸國行人不便故皆從水路而行鄂羅斯距京師約萬二千里西洋及土兒虎特地方皆與鄂羅斯接界鄂羅斯倚土兒虎特馬匹土兒虎特用鄂羅斯皮張往年鄂羅斯與雪西洋戰土兒虎特助鄂羅斯大敗雪西洋又回子溫都斯坦布海兒夜兒根等處產棉製甲四十層可敵浙江棉八十層會以鳥槍試驗知之又過哈密六百里有吐魯番地方去雪山百餘里其人晝伏至夜始出耕種其地甚熱而多石若日出時耕種輒熱死又哈薩克即古陽關地其人性好鬪常結隊以殺擄爲事人心亦齊若婦女被人擄去其擄去之婦女必乘閒手刃其人而回此地亦熱草極肥盛馬皆汗血所產蘋果葡萄梨等物皆大而美又西北回子種類極多皆元太祖後裔又有一支在小西洋約十萬人皆住帳房惟北極下爲最寒往時曾有人築室而居明年人往視之其人已無復存者但見林間雪深數丈而已昔人云北海有積冰數百丈向以爲荒誕以此觀之信不誣也總之西北地方極大其風土亦各不同朕會詳悉訪問是以周知也○以甘國壁爲江蘇按察使由山東登萊道遷張連登爲湖北按察使由直隸通永道遷○乙卯 上巡幸畿甸啟鑒○以隄徵壁爲左副都御史由通政使遷○大學士等以刑部等衙門審擬戴名世私造南山集照大逆例凌遲一案請旨 上諭戴名世從寬免凌遲著即處斬方登嶧方雲旅方世標俱從寬免死並伊妻子充發黑龍江此案內干連人犯俱從寬免治罪著入旗○予故內閣學士凌紹美祭○癸酉諭大學士等福建巡撫覺羅滿保奏閩縣等十六州縣員缺請於卓異人員內揀選補授部議不准督撫等爲得人地方起見懇切陳奏理所宜然其應否准行補授思出自朕近見督撫此等事奏請言官每從中阻撓邇來一御史奏稱閩屬十六州縣員缺滿保請揀選卓異薦舉官員補授可爲一時之計未可爲經久之例不如擇本省之員調補若揀選卓異薦舉官員補授必致懸缺以待於地方無益等語閱之似乎有理其實皆係卓

異薦舉官員逆料伊等應該升轉不願往海濱苦地希圖美缺因於未經部覆之先例行條奏則部議自然不准所以請賜旨官言之也如此則權盡歸都察院科道等官此是明末惡習斷不可長爾等到京問九卿詹事科道具奏朕因變時務將閩十六州縣員缺卽行補授發往○刑部等衙門會議順天府鄉試中式第一名查爲仁之父查日昌倩人爲伊子代筆賄買書辦傳遞文章事發後又脫逃破獲應勒監候查爲仁中式情弊雖由伊父主使而通同作弊又相隨脫逃希圖漏網其書役襲大業收受賄賂傳遞文章俱應絞監候代查爲仁作文之舉人邵坡應革去舉人杖徒失察之監察御史常泰李宏文應罰俸一年從之○甲戌刑部等衙門會議順天鄉試中式之周啟係原任步軍統領託台齊家人周三之子倩人代筆串通賄賂錄受卷所吏役通同作弊應絞監候周三於賄賂司獄周芝奎致死首告伊子之邵文卿希圖滅口案內已經論斬從重歸結至於說事通賄之談汝龍高岳受賄之賄錄所書吏何亮公受卷所書吏錢燦如亦應絞監候代周啟作文之王廷銓應杖徒失察受卷所官唐縣知縣李嶠隆降一級罰俸一年監試御史楊篤生陳勳阿爾賽石芳柱各罰俸一年騰錄所官無極縣知縣陳明倫已經休致提調官順天府府丞李法祖已經別案革職俱無庸議得旨周三周啟身係奴僕肆行賄賂紊亂科場大典情罪可惡俱著處斬李嶠瑞楊篤生阿爾賽石芳柱陳勳等係專司科場事務官員怠玩疏忽不行嚴禁殊屬溺職著革職餘依議○乙亥 上還京師○子故吏部尚書索額額祭葬

二月戊寅朔諭諸王貝勒貝子公大學士九卿等朕昨進京見各處爲朕六十壽誕慶賀保安祈福者不計其數朕實涼德自覺愧汗從來帝王之治天下罔不以民生爲念若爲一己之私卽不能擴而充之矣朕若先知必令止之今已成矣難違眾志夜來思之寔旦朕爲天下萬國之主萬國安卽朕之安天下福卽朕之福若能祈禱雨暘時若家給人足則朕安寢飽食可以卻病延年此朕之求福非有妄想也傳知各處凡有祝延萬壽者必以雨暘時苦萬邦咸寧爲先朕已老矣若有若無費若虛夙夜匪懈履薄臨深之念與日俱增敢有滿假乎 諭大學士等內閣學士宗紳保爲人糊塗著解退發伊該管王處行走○己卯兵部議准戶部尚書張鵬翔奏閩省沿海地方請將深知水性謀勇兼全之人委用凡各緊要之處添設兵丁營船及船中所用器械火藥義備訓練及春秋二季令該總兵官親身巡查有海賊逃匿者卽行文廣東江南浙江等處協力擒剿 上諭大學士等張鵬翔所奏海上事宜率皆空言無補不可施行賊船停泊必依據海島有淡水之處每日在山頂瞭望見官兵船來卽遁去外洋官兵退後乃復卽回有官商船宜改爲平底止用一桅者不知商船重載入水數尺方能壓浪每造一船費至一二千金若勒令改造則不肯官員因此校吉商人將何以堪商船雖帶軍器火藥一遇賊船商人並不敵與敵船中所有隨其所取盛京泛海兩三日卽可抵盡山花爲利之所在人所必趨泛海往來既速又省路費商船豈有不往之理朕昨問投誠海賊陳尙義康熙三十八年開伊等賊船尙多因與廣東提標官兵拒敵大敗而遁止存船四隻此後從未登岸沿海官兵防守甚嚴卽海外諸小國亦不聽伊等停泊賊船缺少火藥無處購買俱託漁船往盛京旗順等處代買朕昨聞地圖山東水師住處未爲扼要然設立已久不便議裁宜於盛京上游要地添設營

船二十隻此駐防之船即將各省水師營船及駕船水手酌量調取出洋巡哨並帶陳尚義等前往海中盜賊伊悉知之自然漸次擒獲矣張鵬翮並未熟悉情形其所條奏即令伊身任其事亦未有裨益也此本著發還○乙酉諭大學士等朕聞各省為祝萬壽來京者甚眾其中老人更多皆非本地人時居春開寒熱不均或有水土不服亦未可知爾等即傳諭漢官等備有一二有恙者即令太醫院看治務得實惠以示朕愛養耆老之至意○戊子諭南書房翰林等聞各省祝萬壽老人俱於十七日在西直門外本省龍棚下齊集接駕十八日在正陽門內聽禮部指地方行禮行禮後若再至龍棚恐城門擁擠年老之人實有未便況十七日朕進宮時經過各省龍棚諸老人已得從容瞻仰十八日行禮後老人不必再至龍棚下接駕爾等傳諭各省漢官備諭各省老人知悉○己丑諭大學士等今歲直隸各省年老官員來京祝萬壽者甚多此內除本省犯罪官員外或有因公室誤降級革職者俱酌量復還原品於十八日隨班行禮○甲午 上奉 皇太后自暢春園還宮直隸各省官員士庖夾道羅拜歡迎 御筆耆老等跪獻萬年壽鵠 上停輦慰勞偏賜老人壽桃及食品諸王貝勒貝子公宗室覺羅人等及文武大臣官員兵丁並於誦經處跪迎 上警容俯視皆賜以食品○諭大學士等今歲天下老人為朕六旬大慶皆從數千里匍匐而來如何令其空歸欲賜伊等筵宴然係違回著查八旗滿洲蒙古漢軍漢人大學士以下民人上年逾六十五歲者奏聞在本司二十二三兩日內擇定一日賜宴豫為奏聞便於備辦內有艱於動履不能前來者聽其能來者俱令之來即不能來者朕另行按分頒給詔內有恩賜老人一款凡恩賜有名者於名下註明令時漸炎熱賜宴後即令回籍耕種其家奴勿入所查數內再查八旗滿洲蒙古漢軍以至包衣佐領下不論官員閒散人等年七十以上老婦亦著奏聞俟老人賜宴後再定一日送至 皇太后宮賜宴有艱於動履不能前來者聽之其能來者俱令之來若有貧乏不能來者著各屬協助車馬使之前來俱開真實年歲不可捏報再赦宗人府諸王以下宗室子孫內二十歲以下十歲以上選擇聰明堪供任使者六七十人令於耆老前執爵卽朕子孫皆令之出宗室外不用他人也○乙未 萬壽節 上朝 甯壽宮御 太和殿受賀詔曰朕五十餘年上畏天命下懷民艱以誠覃思上理且以一心對越 上帝未嘗曠息稍懈賴 昊穹之孚祐 祖宗之蔭庇國家蕃積有餘民間年歲豐稔朕以涼德勉思 列聖體大順公操心慮患敷景運於休明洪基業於光顯夙夜冰兢宵旰靡遑屈指春秋年居六旬矣覽自秦漢以下稱帝者一百九十有三享祚綿長無如朕之久者朕之虛薄良深歎仄何敢稍有倦怠以負孜孜圖治之初心況在位之久始勤終怠往往不能垂令名於後所以乾惕之懷彌殷憂勞之志愈切兼之承平歲久幅員日廣戶口漸增風俗日薄朕與臣鄰夙夜在茲以剛健中正惇大成裕謙尊有終持盈保泰恐恐未能豈自滿假少有逸豫朕以天下為心天下當亦體朕之衷各矢盡誠皆敦孝敬型仁講讓守己奉公務勤職業官僚胥勸人士奮興使遐邇之均被小大之咸周以享昇平之福此非朕之德乃 天地 祖宗之賜今朕式慰中外臣民之情博考典禮大沛膏澤用稱躋世於仁壽之至意中外臣民俱加覃賜養高年舉遺逸旌孝義蠲逋負蠲寡孤獨無告者官為養之罪非常赦所不原者咸

赦除焉○庚子諭大學士九卿等朕聞廣東米價騰貴每石賣至一兩八九錢至二兩不等將軍管源忠亦因米貴具摺奏請朕軫念天下民生無閒遠邇雖邊徼之外視之猶盤穀之旁也粵地素號產米之區從無價高至一兩以上及二兩者茲米價驟增小民必致艱食督撫係封疆大吏凡有關地方事務隨所見聞卽應據實陳奏今萬里情形朕已周悉而伊等漫無奏報殊屬懈忽前福建歲荒米貴朕特旨截漕數十萬由海道轉運賑濟諒旨方頒市價立平於地方大有裨益今廣東亦宜照截漕海運朕因詳詢投誠海賊陳尚義等目今截留江南漕糧可否由海轉運廣東據稱截江南漕糧由海轉運八九日可至福建自福建八九日可抵廣東但此事關繫重大非微賤所敢身任見今風勢不順斷不可轉運必至八九月後北風漸利始可轉運等語朕意於八九月後將水師營戰船裝載米石運送易於到廣而兵丁亦並可熟練水務其天下地丁錢糧前已於三年內全免一周今粵地米價翔涌若將本年地丁錢糧仍行催徵則民力維艱難免輸將之苦應將本年地丁錢糧停其催徵遣趙申喬等前往廣東會同督撫將朕軫念民生至意刊示宣布以慰輿情再恩詔內有賞資綠旗兵丁一款卽令趙申喬乘便動支彼處庫帑親行覈實按名逐一散給俾各體實惠爾等會同確議具奏又諭國家幅員甚大旱豐歉勢有不齊凡遇歉收之年督撫等但據實速報則或蠲賑或停徵先期酌行於百姓乃有裨益至所奏地方官員捐俸賑濟皆虛名而已何益之有州縣爲親民之官科目出身之人亦多有迂疏不能辦事者惟張鵬馳在浙江巡撫時閩省錢糧七年全完馬齊任山西巡撫時亦全完七年錢糧其餘各省報數年錢糧全完者未之有也○壬寅宴直隸各省漢大臣官員士庶人等年九十以上者三十三人八十以上者五百三十八人七十以上者一千八百一十三人六十五以上者一千八百四十六人於暢春園正門前傳諭眾老人曰今日之宴朕遣子孫宗室執爵授飲分頒食品爾等與宴時勿得起立以示朕優待老人至意又諭曰書稱文王善養老孟子云七十者非帛不暖非肉不飽帝王之治天下發政施仁未嘗不以養老尊賢爲首務近來士大夫止論居官之賢否而移風易俗之實政入孝出弟之本心未暇講究朕因今日之盛典特宣此意若孝弟之念少輕而求移風易俗是其所厚者薄而其所薄者厚矣爾等皆是老者比同鄉井之間各曉諭鄰里須先孝弟儻天下皆知孝弟爲重此誠移風易俗之本禮樂道德之根非淺鮮也昨日甘霖大沛田野足朕心大悅爾等無誤農時速回本地特諭是日 上升座命扶掖八十歲以上老人至 御前親視飲酒各賜老人白金有差○諭大學士等年老諸大臣內於世祖章皇帝時居官者惟宋學田種玉而已今年齒老邁雖閒居林下朕睹之不禁軫恤宋學見有尙書品級在身田種玉著給與工部尙書銜俱准給誥封宋學田種玉著酌加宮保以示朕不忘耆舊之至意尋議宋學加太子少師田種玉加太子少傅從之○甲辰宴八旗滿洲蒙古漢軍大臣官員護軍兵丁閒散人等年九十以上者七八十以上者一百九十二人七十以上者一千三百九十四人六十五以上者一千十二人於暢春園正門前諸皇子出視頒賜食品宗室子孫執爵授飲 上升座命扶掖八十歲以上老人至 御前親視飲酒各賜白金有差○乙巳八旗滿洲蒙古漢軍七十歲以上婦人齊集暢春園 皇太后宮門前隨召九

十歲以上者入宮門內八十歲以上者至丹墀下七十歲以上者集宮門外大臣妻年老者亦皆召至宮門內賜坐 皇太后 皇上親視頒賜茶果酒食等物其餘令諸皇子率宗室子以次頒給又賜大臣妻衣飾綵段素珠銀兩

夏四月戊申朔諭諸王貝勒大臣等朕今日傳集爾等因憶及數事朕若不言無敢言之人非朕亦無言此事者藍旗兩貝勒及碩託貝勒皆緣事問罪撤帶革去宗室 世祖皇帝時恩卹藍旗貝勒之子薩哈連碩託之子岳塞布俱給以阿思哈尼哈番之俸伊等皆係 太祖皇帝之孫至朕僅歷四世凡宗室革退者不載玉牒 太祖皇帝有十五子緣事革退者亦未經載入似此革退者

若不載入玉牒久後竟無人知矣宗室有罪懲之處之自有定法非欲復翻舊案也今若不查明而差別之則日久年遠漸致湮沒所關甚大應將此等查明俱續載於玉牒內酌量給帶以示差別再覺羅等其始亦由祖分支有緣罪撤帶革退者若不查明示以差別亦必致湮沒再宗室覺羅之棄子今雖記藍檔內以宗人府定例甚嚴懼而不報亦未可定原任內大臣覺羅他達爲上駟院

大臣時因子眾多將棄其妾所生之子包衣佐領鄭特聞之乞與收養他達遂與之朕知其事會下旨於內務府總管儘遇來選之時切不可將伊女混入後鄭特欲將此子遞回此子以撫養之故云甯不得帶子必不忍離撫養之父母朕念其孝給以紅帶仍留

伊養母處有似此等者亦應查明再我朝從征效力大臣中莫過於蘇拜巴圖魯者伊功勞冊內見有念伊效力之處欲襲其官但其子那摩佛所生達里善達福俱謂劣行止不端句引蘇完之人在阿哥處行走不絕朕知之至今未授官職蘇拜功勞顯著應給世職惟達里善兄弟斷不可襲應於伊兄弟中另擇承襲之人再五大臣內蘇完扎爾虎齊公彭春之祖鄂善之祖伊等見有世職鑲藍旗順科落巴圖魯安達揚古之功勞已經裁去今阿靈阿之祖額亦都巴圖魯之功勞載於 實錄甚明見在 太廟配享

此等有功之人身後子孫緣罪干連既去其官誥命敕書亦並無存此等皆係 太祖 太宗皇帝時輔佐開勛功勳大臣因其子孫自作之罪將伊等勞苦功績所得之官革去實爲不忍朕知之甚悉五大臣及十六員扎爾虎齊內緣罪革職者應查明給與官職又襲職子孫緣罪革去者亦應查明酌議具奏○已酉賜八旗滿洲蒙古古漢軍年老婦人白金有差○甲寅大學士等以左都御史趙申喬奏農忙之時京城地方亦應遵例停訟奏請旨 上曰農忙停訟之言聽之似乎有理而細究之實無裨益趙申喬總未知事之本源耳天下之民非獨農人商賈涉訟卽廢生理百工涉訟卽廢手藝地方官不濫准詞狀於應准者准之卽行結案則不失農時訟亦少矣若但四月至七月停訟而平日濫收民詞案牘堆積冬季詞訟遲至次年五六月而後審理雖停訟何益康熙元年間去明代不遠明之官員太監尚有存者朕聞其君常處深宮不與臣下相見而惟與宦豎相處既不讀書亦不勤政所以上下

之情壅蔽不通民閭疾苦竟罔聞知朕理天下五十餘年周知民隱一切訟事皆有代告說合之人暗司其事地方官於此等人應嚴加懲治孔子云聽訟吾猶人也必也使無訟乎無訟之本並不在停訟爲大臣者當先憂後樂凡事周詳籌畫實心辦理乃能利益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當農忙

非問時果如伊言亦不應准辭狀至於南方四月收麥福建廣東十一月種麥二月收穫五月種稻十月收穫四季皆農時也如地等處豈終歲停訟乎趙申壽居官固清但性多疑所屬州縣每疑其貪詐嘗云用人勿疑朱子曰疑人即是自疑今朕所用大臣朕曷當疑之凡督撫有才者未必有守有守者未必有才然自恃清廉每事紛更民即受其害矣讀書之人落先明理當以克己爲要
有過則改無容掩飾惟有益於民之事朕即允行否則斷乎不行也○論朕生性不嗜殺人然於差官恤刑之事不欲舉行惟恐妨
克之徒乘此微倖免罪耳聞趙申壽爲巡撫時好准詞訟張鵬翮爲巡撫時不肯准詞訟兩人之性各有偏向如此今以場中閱文
一事論之主試之人衡文取士必當除去偏見選拔佳文若以偏見閱文則人心不服上科京闈鄉試雖無交通賄賂之弊而所中
之卷不佳且有少年稚子倣倖入數即題目應出各種乃得佳文今歲京闈鄉試所出七題皆係理致士子偶有一二語合主司意
者遂獲登錄其同考官選文薦閱又皆揣摩主司之意場中士子未能各展其長而實學之人多被擯不錄者職是故也○論吏部
川陝總督殷泰前會因病奏請解任調運民殷泰清潔自持約束屬下恩威並用陝省軍民罔不感戴朕甚愛惜令在任調攝已
有諭旨令病勢未能即愈總督印務雖有巡撫署理但陝西地方遼闊最屬緊要總督員缺不可久懸殷泰著解任湖廣總督鄧海
慶任陝西熟諳地方兵民情性俱所深悉且才具頗優將鄂海調補川陝總督○癸亥以鄂倫特爲湖廣總督
問戶部尚書張鵬翮曰明末時張獻忠兵到四川殺戮甚慘四川人曾有記其事之書藉否張鵬翮奏曰彼時四川人屠戮殆盡無
有記其事者上曰李自成與張獻忠在河南鄧州分兵張獻忠遂至四川其間詳細未能悉知爾父今年八十有七以張獻忠入
川時計約已十七八歲必有確然見聞之處爾問明繕摺進呈又諭大學士等曰明末去今爲時尚不甚遠傳聞李自成兵到京師
之人即以城獻又聞李自成麾下之將李定國在西便門援城而上由此觀之仍是攻取可云獻乎此等載入史書甚有關係必得
其實方善張獻忠有養子三人耳鼻皆被割去朕曾見之又明代行兵多用大監管領以致敗亡爾等纂修明史其萬歷天啟崇禎
年間之事應詳加參考不可忽畧○遣官祭長白山謫無間山五嶽四嶺歷代帝王陵寢孔子闕里○賁天下綠旗兵○戊辰四川
提督岳昇龍遺奏請將伊家口改入四川民籍得旨武職官與不許在任所入籍置產曾有諭旨今岳昇龍奏稱伊母年逾九旬不
能遠涉著照所請准其家口入籍四川○乙亥和碩顯親王行漢等請於宗人府衙門內建上功德碑不允○丙子追賜故陝西
涼州總兵官師宰寶諡曰恪愷

五月戊寅刑部尚書胡承恩乞假遷葬允之己卯大學士等奏從前奉旨收貯審擬喇嘛巴漢格隆等呪厭廢皇太子允初一案
查案內除喇嘛巴漢格隆馬星喝卜護衛色楞雅圖及擬斬之拜雅爾圖俱請照原議正法又擬發遣之太監楊得志等亦請照
原議發遣得旨賜佳噶卜楚從寬免死著發遣白都納楊得志從寬免發遣著交與內務府總管○庚辰諭大學士等提督康泰奏
稱蜀省一碗水地方聚集苗餘人開礦隨逐隨聚見在差官力行驅逐等語朕念此等偷開礦廠之徒皆係無室可居無田可耕之

產貧民每日所得錙銖以爲養生之計若將此等之產貧民盡行禁止則伊等何以爲生果如滇省礦廠所出頗多亦可資助兵餉

此處所出無多該地方文武官員作何設法使窮民獲有微利養贍生命但不得聚眾生事妄行不法似屬可行爾等與九卿會同

逐議具奏○辛巳大學士九卿等遵旨議覆開礦一事除雲南督撫雇本地人開礦及商人王綱明等於湖廣山西地方各雇本地

人開礦不議外他省所有之礦向未經開採者仍嚴行禁止其本地窮民見在開採者姑免禁止地方官查明姓名記冊聽其自開

若別省之人往開及本處殷實之民有竊占者即行重處上曰有礦地方初開時即行禁止乃可若久經開採貧民勉辦費本爭

趨覓利藉爲衣食之計而忽然禁止則已聚之民毫無所得恐生事端總之天地閒自然之利常與民共之不當以無用棄之要在

地方官處置得宜不致生事耳○甲申命外官推升題補及請留任者俱引見○乙酉命留京教習進士以內閣中書缺補用○盛

京州部侍郎慕成額以老乞休允之○丙戌上奉皇太后避暑塞外啟鑾○轉張廷樞爲刑部尙書以王項齡爲工部尙書

○以田從典爲兵部右侍郎由吏部調○予故吏部尙書吳一薰祭葬○辛卯以湯右會爲吏部右侍郎由學院○壬辰

上奉皇太后駐蹕熱河○戊戌遣官分資喀爾喀等蒙古老人○辛丑停今年秋決○禮部奏黃巖守備管遊擊事閩福玉與海

賊交戰陣亡業已蒙恩賜卹贈參將職銜又廕子弟一人以守備用其給與祭葬相應停止上曰閩福玉係登州人朕曾召見人

材壯健戰時爲賊所傷血流滿面謂眾曰此即報主之處也奮勇前入手刃十餘人戰而亡此係與伊交戰賊人所說宜優加恩

卹以示鼓勵著給與祭葬○以郝維壽爲左副都御史由通政使司乙巳調阿爾筏爲左副都御史以常泰爲內閣學士由內閣侍

閏五月癸丑吏部議覆內閣中書奉旨用進士出身之人嗣後滿中書缺出應論旗分於進士內挨次擬用如無進士將舉人挨次

擬用漢中書缺出用留京教習進士其從前進士舉人候選中書者停其選授改歸知縣教職等項用其候選中書不由進士舉人

出身者對品改選以鑒儀衛經歷詹事府主簿等缺用從之○裁通政使司漢左參議一詹事府漢諭德一漢中允一漢贊善一漢

諫事一鴻臚寺漢寺丞一四譯館序班三國子監滿助教四漢博士一漢學正二行人司行人四太醫院御醫二吏目六豫投吏目

四禮部司牲官二○乙卯兵部奏就撫海賊陳向義等應作何安插請旨定奪上諭大學士等先經拿獲海賊俱已發遣甯古塔

等處見經陳向義等一百餘人又來歸誠內有熟識水性之人將伊等歸併盛京金州地方著設立水師營近據山東總兵李雄奏

請裁伊標下水師營戰船十隻即將所裁數內截留數船分往金州看守地方巡防海洋似有裨益著滿漢九卿詹事利道會同確

議具奏又諭古大臣進言於君皆云墾荒積穀節用愛民明代萬歷年間於養心殿後舊銀二百萬兩我朝大兵至京流寇挾金而

逃因追兵甚迫棄之黃河大抵明代帑金流寇之難三分已失其一又於達賴喇嘛處費用無算凡製造器皿等物亦繁費不貲朕

自御極以來酌量撙節不敢濫費從古無如朕之節用者大學士等奏曰不但如此節用爲從古未有皇上愛民獨克天下錢糧

亦古所未有上曰若不蠲免錢糧則民閒匱乏將何所賴耶又諭曰人之喜怒不可有偏即今內大臣侍衛等有惡事者亦有未

應事者未應事之人一遇殺人之事必勃然大怒設令閹刑部奏章豈勝其忿耶又讀書人於觀書時見有不合其意者輒生憤怒古書所載皆屬往事其善惡特爲後人法戒閱之但當自加儆省耳○賜熱河老人白金○辛未諭大學士等總督額倫特殷泰皆朕特用之人初用時人不知其善迨後乃稱皇上知人之明咸以爲異殷泰居官雖甚優然未免過於嚴厲人有怨之者巡撫張伯行家計饒足居官甚清日用之物一切取給於其家但於所屬官員輒心疑之自古疑人勿用人勿疑方且欲推心置腹以示人陰刻何爲若於所愛者故爲怒容待之於所惡者故以喜色遇之是欺人卽自欺也朕之喜怒無不卽令人知者惟以誠實爲尙耳天下凡事難以豫防惟應事多見理明乃隨事之來措之合理朕於朱子全書序文內曾論及之又諭部院衙門辦事皆有成例應例而行難稍自未當其失猶輕若無例則無可憑矣如數十事一例皆自應畫一各任意見辦事可乎爾等辦事允宜遵守成例而行

六月丁丑諭和碩誠親王允祉律呂算法諸書應行修輯今將朕所製律呂算法之書發下爾率領庶吉士何國宗等於行宮內立館修輯○辛卯戶部奏廣東米價騰貴督趙宏燦巡撫滿丕隱匿不報應交吏部議處上諭大學士等趙宏燦滿丕居官不善於地方之事不思效力務爲隱匿是實聞奉差大人至廣東時民人懼怖焚香迎接奉差係國家大臣督撫獨非大臣乎觀此可知民情所向矣廣東米價先增至三兩一石今止需一兩六錢矣朕留意見民瘼悉心採訪諸凡地方之事此處不報他處必有奏報者卽如盛京之事盛京不報但問烏喇往來之人卽知之矣朕前巡幸江南時豫聞江南有賊後果有一念和尚叛案總之事責豫防朕聽政年久一聞地方荒歉等事皆先爲籌畫措辦以消患於未萌乃督撫等不留心豫防及至地方有事謂皇上自能辦理豈可謂之大臣乎此事俟趙申喬到時再議○禮部奏兵部侍郎宋駿業詹事府詹事史夔故應照例賜卹上諭大學士等漢人中史夔宋大業宋駿業張志棟皆甚無恥張志棟好保舉人不顧顏面與山東人結黨宋駿業以能畫在內廷行走乃一險人專事結黨學問不及朕知而遠之姑念其內廷效力給與半葬史夔爲浙江考官聲名甚劣因在河工效力故復起用其祭葬俱著停止○大學士等以原任河道總督王新命之子王繼緒因曹遠芳等誣伊父爲開戶之人情急叩闕一案請旨上曰王新命乃四川生員魏曹姓人擲爲養子事非虛誣但王新命會爲大臣待曹姓甚厚前王新命富貴時並未言及今其子孫貧困索取不遂加以訐等木免大刻入旗如此等人甚多此案事已年久且係國家大吏爾等與九卿會議似此等者當行禁止又諭曰連日之雨朕深恐致溲大學士等奏曰皇上殷憂爲民昨下旨祈晴今卽晴明洵屬奇異上曰朕記太祖皇帝時壬辰年癸巳年大溲京城內房屋傾頽明成化時癸巳年溲城內水滿民皆避居於長安門前後水至長安門復移居端門若今霖雨不止雖無妨居人而田禾豈有不損耶今日天氣晴霽朕心藉以稍慰○乙未諭大學士等朕歷觀前史凡事皆壞於隱匿明代盜賊情形俱隱匿不報迨賊已及門尙然不知也豈知旱澇之災民生疾苦乃自古所有之事奏聞何傷若果督撫凡事皆據實奏聞豫爲防備雖

有事亦復何害且朕臨御年久凡事有應商酌之處朕必與大臣等商酌而行惟軍機河工事朕即批示恐與不知之人商酌反致有誤也又諭曰甘肅巡撫樂拜奏陝西省免康熙五十一年錢糧甘肅衛所應徵之米未邀恩免請一併免徵朕令樂拜度兵餉之米足與不足再行奏請及彼詳計之果不足兵餉一如朕言彼但爲己之聲名計於兵餉緊要之處乃並不計及也○甲辰諭大學士等偏沅巡撫潘宗洛行事糊塗其所屬地方雨水田禾情形至今尚未奏報爲人行止何如著問九卿又諭人聞警言如服補藥無益身心朕在位五十餘年聞人譽詞溢於耳矣實見其無益也又諭邵康節所言陽奇陰偶之數陽數少而陰數多是以凡物皆好者少惡者多亦從善難從惡易至於滿洲漢人之性迥然不同漢人以喜怒不形於色爲尚不知存心行事貴在誠實開誠示人自服之若懷詐挾術誰肯心服耶當見大好大偽之人喜怒不形於色如吳三桂噶爾丹類皆如此此等人終必敗壞耳

康熙東華錄九十二

秋七月戊戌宗人府奏三等侍衛尼雅罕奏伊曾祖飛揚古於太宗文皇帝時曾草退宗室祈查明增載玉牒臣等查檔案內並無宗室用揚古之名應否載入玉牒請旨定奪得旨尼雅罕曾祖飛揚古乃太祖皇帝之子朕知之甚確但不知爲第幾子太宗皇帝時飛揚古因獲大罪正法年久之事既無檔案朕亦不便遽定其尼雅罕著給以紅帶並伊祖父之名入黃檔內載入玉牒記載時即將此情由錄明於後○王子宗人府奏臣等遵奉諭旨將革退之宗室覺羅等子孫分別給紅紫帶續載玉牒查革退宗室內除原任和碩睿親王多爾袞無嗣無庸議外其原任貝勒莽古爾泰德格類和碩英親王阿濟格貝勒碩託鎮國公父都立貝勒拜音圖貝子登阿岱西罕濟麻護多羅郡王阿達禮和碩莊親王舒爾哈齊等子孫共二百一十六人俱應給以紅帶記黃檔內纂修玉牒時一併載入又宗室阿爾通阿之子孫四人見入覺羅紅檔無庸另議應將阿爾通阿之名補入黃檔內增載玉牒其覺羅勒爾森昂阿拉吳丹等之子孫共二十九人俱應給以紫帶記紅檔內一俟纂修玉牒時一併載入又定例覺羅等所生之子設稽查幼子之員查送宗人府惟宗室等所生之子各從本家查送恐有遺漏嗣後請照覺羅例增設稽查幼子之員將宗室等所生幼子備查查送免致遺漏得旨依議此等宗室覺羅等載入玉牒黃檔時亦照尼雅罕例各書於後○乙卯諭大學士等部院官員內能辦事者有之但尙多疏畧之處朕當察劇時日閱二百餘本會無一字疏畧令閱二三十本更覺寬裕矣昔年少時步行四五十里今雖年高尙可步行十餘里可知凡事皆在留心歷練耳又諭朕於算法律呂等書探究本源今已明晰如黃鍾爲最要凡數學以及斗斛尺度無不繫乎其中也○大學士九卿等遵旨覆奏偏沅巡撫潘宗洛行事糊塗材畧平常不稱厥任上曰此事俟回鑾時再奏○庚申四川茂州及平番營地震賑之○辛酉諭大學士等朕十三歲親政時有援引恩詔誤赦一人者曾以此事問原任大學士李蔚李蔚奏云業已誤矣聽之便朕諭曰有人可聽其誤若殺人亦聽其誤可乎李蔚不勝懼悚奏云皇上此諭誠可昭垂萬世又輔政大臣共理政事時紅本已發科鈔有取回改批者馮溥爲給事中奏云凡一切本章既批紅發鈔不便更改輔政

大臣等欲罪海防以備薄所言亦是因嘉獎之並諭輔政大臣等此後當益加詳慎批發且昔聽政時每令讀本朕與輔政大臣共聽之或因一時言論往往忽畧朕諭伊等此內有關繫民命者尤不可不慎伊等皆經行間效力不以殺人爲意朕必慎焉但懲惡所以勸善亦有不可寬宥之處聖人法內有仁惟仁者能好人能惡人朕於此九加詳審從無少忽也○乙丑子故原任四川提督岳昇龍祭葬○丙寅 上行圖發熱河

八月丁丑先是鄂爾多斯王松阿喇布奏請於察罕託灰之地暫行遊牧遣尙書穆和倫等往勘定以黃河西河之間柳墩等四臺爲界並設理事官一員稽察遊牧蒙古禁止生事甯夏總兵官范時捷奏言察罕託灰係版圖內地今蒙古遊牧多致越界行走與甯夏居民蒙混樵採實屬不便請以黃河爲界停止蒙古遊牧則民生有益即地方亦易防守 上諭理藩院曰前松阿喇布以察罕託灰水草佳茂懇請暫行遊牧並未令永遠遊牧之旨此事著爾衙門員外郎莫禮布前往查明具奏至是莫禮布回京奏稱鄂爾多斯蒙古是在遊牧漸至賀蘭山下與原定之界實係踰越奏入下九卿會議一議察罕託灰本屬版圖內地因前遣尙書穆和倫等勘定以柳墩等四臺爲界故將察罕託灰許令遊牧今蒙古等越界行走應行文地方官即查明越界蒙古逐出柳墩等四臺之外其察罕託灰遊牧之處應否開穆和倫等原議請旨定奪又兵部尙書殷特布等一議黃河西河之間草木極盛甯夏居民藉以樵採若令蒙古遊牧與居民混雜行走洵屬未便又察罕託灰與甯夏相近既許蒙古遊牧則地方汛防不無艱難之處應如范時捷所請改定黃河爲界於民生地方均有裨益得旨從前原以黃河爲界著照後議行○辛卯戶部議准御史李景迪奏京師五城地方設立司坊官共十五員所居房屋各極宏敞每年租價約合計之幾至千有餘兩司坊官私派練甲總甲私派居民甚至供轍不給有迫呼紛擾之弊請敕裁革嗣後司坊官等所居房屋皆令捐俸自租不得私派累民從之○庚子以雲南布政使李華之爲太僕寺卿○是月免福建侯官縣水災額賦

九月己酉 上駐蹕博洛和屯賜來朝外藩冠服銀幣鞍馬及隨園蒙古官兵銀幣○庚戌以李鴻爲左副都御史由宗人府府丞遷○辛亥 上還駐熱河○丁巳 上奉 皇太后自熱河回鑾○甲子 上奉 皇太后還京師○丁卯 上問尙書張鵬翮曰四川巡撫年羹堯居官何如張鵬翮奏曰聞年羹堯在地方實心理事 上又問曰操守如何張鵬翮奏曰臣於本籍來京之人概不接見知之不確 上又問曰爾前往浙江審事巡撫王度昭居官如何張鵬翮奏曰王度昭於地方事尙能留心 上諭九卿等曰王度昭初莅浙江時聲名甚佳後因保題屬員聲名頓減天下督撫內惟額倫特張伯行操守最優劉蔭樞亦佳爾等俱爲大臣天下督撫之賢否貪廉俱應平時留心細訪以備顧問秉公陳奏雖門生故舊不少徇庇席督撫等皆知畏懼而勉勵矣乃往往朕有所諮詢或謂未經同署辦事或自謂平日不接見人知之不確以此推辭殊爲非理爾等知福建布政使李發甲居官如何大學士等奏

曰李發甲居官聲名好 上曰潘宗洛任湖南巡撫後不及爲翰林時著革退福建布政使李發甲著升補湖南巡撫○庚午諭大

一月庚午奏 庚戌九月十一

學士李光地朱子全書四書註解刊刻告竣可速頒行又諡孟子云排淮泗而注之江朱子謂淮水不入江古今水道不同當時淮水或有入江之迹後渾濶亦未可知李光地奏云 皇上此論誠鑒千古所未發也 上曰爾傳諭九卿有明於性理實學之人令其各舉所知○辛未以江南漕米十萬石分運廣東福建平糶○甲戌大學士等以科道內升外轉請旨 上曰言路不可不開亦不可太難明朝國事全爲言官所壞今之進言者輒云某爲上所喜某爲上所惡每揣摩朕意私心窺伺以圖迎合朕並無所愛憎之人其居官善者則愛之不善者則憎之耳卽如噶禮居官如此不善不但無一人劾奏反有從而舉之者後噶禮與張伯行互參差往審事滿漢大臣謂朕意有偏向故審理俱不公平朕亦不露意旨直至議定奏聞方向九卿明報於是眾乃知朕無偏向之意凡入臣事君之道公爾忘私乃爲正理且性理諸書中亦不過辨別公私二字事君者果能以公勝私於治天下何難若挾其私心則天下必不能治今科道於內外官亦有明知其不善者或某人有所倚仗或某人素有聲勢不可用動遂莫敢參劾亦由學淺膽小故爾爲清官者惟潔己不要錢猶是易事若論公爾忘私誠爲難得科道官員內朕無深知者今條奏亦稀將伊等照例挨次升轉可也○定錦州水師營經制○先是隨從二阿哥允禔之得麟爲人狂妄奉旨鎖禁在家因伊父阿哈占補授 福陵關防時奏請將得麟帶往奉天旣而得麟之叔佛保奏得麟怙惡不悛請交奉天將軍正法 上命交伊父阿哈占將得麟處死伊父阿哈占及伊子白通跪稱得麟自縊身死潛蹤逃匿 上察知其詐遣刑部員外郎納齊哈等至山東膠州拏獲得麟付法司會勘至是刑部等衙門覆奏得麟係屢犯重罪奉旨處死之人乃擅行悖旨假死逃匿情罪可惡應照大逆律將得麟凌遲處死其父阿哈占雖已身故應開棺戮屍得麟之子白通擬絞監候其逃匿地方文武官失於覺察應行令該撫查參議處從之○是月免浙江臨海等七縣衛旱災廣東三水等五縣水災額賦有差

冬十月乙亥朔以段志熙爲浙江布政使由雲南按察使遷 ○丙子戶部議覆原任偏沅巡撫潘宗洛奏請墾荒展限應行文接任巡撫查

開詳議 上曰凡督撫陳地方事務應據實陳奏潘宗洛奏湖南荒田五百餘頃今天下戶口甚繁地無棄土湖南安得有如許

未墾之田著差戶部司官一員會同湖廣總督額倫特就潘宗洛奏疏內所有州縣查勘詳明具奏又諭湖廣陝西人多地少故百

姓皆往四川開墾陝西入川之人各自耕種安分營生湖廣入川之人每每與四川人爭訟所以四川人深怨湖廣之人或有田

地開墾至三年後縣遞納糧而又他往者今四川之荒田開墾甚多果按田起課則四川省一年內可得錢糧三十餘萬朕國用已

足不肯加徵且先年人少田多一畝之田其值銀不過數錢今因人多價貴一畝之值竟至數兩不得卽如京師近地民舍市廛日

以增多畧無空隙今歲不特田禾大收卽芝麻棉花皆得收穫如此豐年而米粟尙貴皆由人多地少故耳朕巡幸時見直隸自苑

家口以下向年永定河衝決之處今百姓築舍居住斥鹵變爲膏腴不下數十百頃皆未當令起稅也又江南黃河隄岸至所隔

遙隄有二三里者亦有六七丈者其空地先植柵柳以備河工取用今彼處百姓盡行耕種亦並未令起課昔河泛漲時水常灌

入進退不得耕種自清水湧流以來河底刷深本必長至二丈方能及岸遙隄以內皆成沃壤矣大凡濁水與清水合流方可無壅決之患如直隸永定河一交冬令乃漸涸或有壅沙高出河身及夏秋水發不由故道而行遂至潰散淹沒田廬朕詳度河工情形引莽牛河之清水入於永定河春冬之時雖水小不能行舟而仗此引流故道不至壅淤及水發時清水合流水力甚大故河底刷深無衝決之患矣又去年趙由喬條奏黃河近邊被衝田畝請查明數目蠲免錢糧不知黃河東岸刷則西岸之田出西岸刷則東岸之田出被衝之田應免錢糧則新出之田不應取錢糧乎今年浙江提督吳郡陞見時朕諭吳郡云聞浙江海中漁船甚多其船進海口時防汛官兵橫索錢財方能入口中有不聊生之窮人不得入海口遂為海賊觀此則海賊即內地漁人乃官兵迫而驅之海中為賊者也朕下此諭旨特欲使提鎮等知朕於各省事無不洞悉也今遣官勘驗湖南荒田亦此意耳總之督撫不可侵部院之權部院亦不宜刻求督撫之非凡事宜用中不可一偏也○轉張鵬翔為吏部尚書以趙申喬為戶部尚書劉謙為左都御史由工部右侍郎○丁丑以沙木哈為福建布政使由四川按察使○庚辰諭大學士等御中周祚顯條奏百姓保留地方官員督撫代為奏請應行禁止其言甚是頃口外青城地方有二百餘人叩關保留聚州知府朕未准行後又至熱河叩關止五六十人朕疑之因令學醫果係居口外之山東民人為知府家人雇覓指使而來耳凡有百姓糾黨保留地方官者若准留任則官必為民挾制實非美事且令民不畏官官不畏其上司關繫匪輕故宜留意清查或倚仗廉潔不畏上司而貪官被參之後亦謂我不能迎合上司所以被參學為清官之語自飾朱子畏大人註云大人理所當畏國家有上下貴賤之體雖清官可不畏上司乎○禁八旗舊有養子其子孫互相勒詐誣告者○先是御史董宏彪保舉山西冀甯道彭騰胡上命大學士等傳問九卿至是九卿覆奏彭騰胡聲名不佳上曰朕知彭騰胡向來奉職不善九卿因朕問及不得已乃行舉出天下官員甚多朕不能盡識雖識之亦不能確知其為人然後問於九卿九卿宜一意秉公據實奏奉今觀九卿大臣率多苟且謂何必與人為仇不肯直言人臣居官一日則當盡一日之職若互徇情面不實心辦事何由而得理殊非臣道所宜然也且科道者耳目之官九卿保舉不公即當糾參又科道有互參之例令伊等惟有所倚恃始行題參耳董宏彪彭騰胡俱著革職○癸未以荆山為禮部右侍郎由大理寺卿崔徵璧為工部右侍郎由吏部○乙酉殿試讀卷官大學士等遵例以試卷十本進呈上閱至第二卷曰此卷必係南省人命拆視之果然上一閱畢諭大學士等曰爾等大臣多係進士出身深知文字況文章書法各有所習一覽可知朕適閱第二卷未及拆封早知為南省人昭然不爽聞來京應試之人將伊等所作文字各處投送其應開考試官悉令過目以博己之聲名以求人之採取爾等場中閱卷當一秉虛公畧無私意始稱厥職至五經四書俱係聖賢之言考試出題專意冠冕者則題目漸少士子易於揣摩甚有將不出題之書刪而不讀尚得言學問乎經書內有不可出之題試官自然不出其餘可出題之處須以各種題目試之則懷才實學之士自無遺棄矣○丙戌賜王敬銘等一百四十三名進士及第出身有差○丁亥以呂履恒為左副都御史

由宗人府

庚寅諭九卿等朕念福建廣東沿海州縣值此青黃不接之時宜酌量蠲免張鵬翮奏曰頃蒙 皇上特加殊恩已令

府近還

運米賑濟矣且連年蠲免甚多見今動用至康熙四十九年錢糧矣 上曰即動用至五十年錢糧有何妨礙今米雖運去但足餬

口不能辦錢糧也朕心惟以百姓爲重蠲免之事不可遲延○諭大學士等翰林官員內多有不識字義不能作詩文者此皆教習

不動之故比年以來武英殿行走之人鄉會試中式甚多蓋以在武英殿行走每日不釋卷耳此後凡修書校書處暨並派庶吉士

又諭道學者聖賢相傳之理讀書人固當加意然詩文亦不可廢或有務取道學之名不留心於詩文者此皆欺人耳○庚子以劉

曾爲雲南按察使

由縣監

王沛檀爲四川按察使

由建昌

○辛丑以拉都渾爲理藩院右侍郎

由內閣侍

讀學士

○癸卯諭大學士等朕覽

朝鮮人所作文章佳者甚少彼所用者皆中國方域之名即如程道路之至險者或并徑或棧道見今疏治悉成坦途何險之有彼

但據舊時書籍所記未經身歷宜其不能工也朝鮮國王甚恭順知禮即我朝所遣使臣亦皆守分一切餽遺未嘗需索明代遣一

使至彼國費用動至數萬此尙可爲撫遠之道乎○諭翰林官關繫緊要必讀書立品方稱厥職今翰林官甚多朕皆不識自講讀

學士以下編檢以上滿洲漢軍由進士選入翰林者其中或有不修行檢日事飲博於詩文書法全不究心又或督學典試分校弊

名不好者爾等會同九卿詳察舉出即行黜退各省皆有翰林九卿豈無聞見毋容徇隱其見散館庶吉士及教習進士內有此等

人亦舉出革退

十一月乙巳朔 世祖章皇帝淑憲妃薨轍朝三日○己酉諭戶部朕勸求民瘼無間遠邇雖在邊徼偶有旱澇災傷無不訪察情

形殫思賑救今直省俱獲收成惟廣東福建甘肅共有二十一州縣衛夏秋被收雖各省地丁錢糧新經全免然一方災歉悉墮朕

心艱食之際重以追呼朕所不忍其被災各縣衛明年稅糧盡予豁免俾民間無催徵之累肆力東作用稱朕撫恤災黎至意○癸

丑諭大學士等近見直隸各省考取武進士額數或一省偏多或一省偏少皆因不知其弓馬武藝止憑文章取中以致騎射嫻熟

諸習韜畧之人多有遺漏嗣後考取武進士不必拘定額數俟天下會試武舉齊集京師令該部將各省赴試到部武舉照例考試

弓馬將合式武舉實數查明豫行奏聞朕計省之大小人之多寡照考取文進士例按省酌定取中武進士額數考取時就本省卷

內擇進佳者照所定數取中如此則學習武藝弓馬優長者不致遺漏矣○甲寅諭大學士等文武考試雖曰兩途俱係選拔人才

而習文之內亦有學習武畧善於騎射者習武之內亦有通曉制義學問優長者如或拘於成例以文武兩途不令通融應試則不

能各展所長必致遺漏真才嗣後文童生員舉人內有情願改就武場考試者武童生員舉人內有情願改就文場考試者應

各聽其考試如此則各得展其所學文武兩途皆得真才矣著九卿詹事科道議奏○丙辰賜宋如柏等九十六人武進士及第出

身有差○丁巳 上謁 陸啟鑾○調常泰爲左副都御史

由內閣

學士

已未先是

上諭宗人府從前

淑惠妃發引朕之諸子俱

夢行恭送聞公普照等在後乘馬而行隨從之人皆會共觀年老大臣內或因疾乘騎者有之普照等係年少之人如是僭妄爾

衙門不行查參恐滋流弊爾等應將是日乘馬往送之人確查彙奏至是宗人府奏臣等查從前 淑惠妃發引時公普照貝子蘇
努公星海登色額爾圖各珠門度賴士等俱各乘馬往送甚屬不合請將伊等嚴加議處得旨普照星海著革職禁錮宗人府另擇
襲封之人承襲其蘇努等六人皆已年邁著從寬免議○壬戌以徐元夢為內閣學士由內閣侍讀學士遷○癸亥 上謁 暫安奉殿 幸
陵至 仁孝皇后 孝昭皇后 孝懿皇后陵奠酒○予故原任吏部尚書宋學祭葬○己巳四川陝西總督鄂海奏蜀省建昌至
東川一帶盡係深山世居苗人今有苗目阿木咱率眾投誠共計三千一百二十五戶下所司知之○壬申 皇子允禔生

十二月己卯以赫奕為工部尚書由內務府總管遷舒蘭為工部右侍郎巴濟納為內閣學士由大理寺卿遷○子故左副都御史郝惟諤祭葬○
甲申 上駐蹕熱河○丁亥以鄂齊珥為內閣學士由內閣侍讀學士遷○辛卯禮部等衙門遵旨議覆文武生員舉人有願改考者准其改
考 上曰改考實係佳事但恐武生記文數篇希圖僥倖者多學臣於文生員公取者或有之至武生全無公道矣此弊朕皆知之

嗣後由武考文不中者若再令考試則弊生矣應許改考一次其不中者應著停止○刑部尚書哈山侍郎王企增蘇事革職○王
震 上還京師○癸巳免甘肅會甯等四縣衛軍災額賦發粟賑之○甲午以劉榮為四川布政使由江西按察使遷許兆麟為四川按察
使由川東副都御史遷○轉舒蘭為工部左侍郎以常泰為工部右侍郎由左副都御史遷以巴濟納為盛京禮部侍郎由內閣學士遷李鴻為刑部右侍郎由左副都御史遷

○湖南巡撫李發甲丁母憂命回籍守制○追給巴圖魯額亦都一等精奇尼哈番世職以其孫尹德襲順科洛巴圖魯安
費揚古三等阿達哈哈番世職以其曾孫明泰襲巴圖魯驚拜一等阿思哈尼哈番世職以其親弟之孫蘇褐襲○是月免福建甯
海等三縣旱災額賦有差○是歲朝鮮琉球來貢○人丁戶口二千三百五十八萬七千二百二十四又永不加賦滋生人丁六萬

四百五十五田地山蕩畦地六百九十三萬八千八百八十九頃六十九畝有奇徵銀二千一百八萬九千六百五十八兩五錢有奇米
豆麥六百九十二萬五千七百七十五石有奇草四百八十七萬八千六百八十五束菜二十三萬九千五百三十六引徵課銀三
百七十三萬九千九百五十六兩有奇鑄錢三萬七千五百六十二萬九千八百有奇

康熙東華錄九十三

康熙五十三年甲午春正月己未九卿議覆大學士等奏 皇上以天地生成之心為心每遇歲歲奏命案再三審詳曲加矜恤五十

餘年開仁恩寬宥者不可勝計是以太和洋溢祥瑞疊見今歲在甲午乃 皇上聖誕本命之年請以康熙五十三年立決重案緩

至五十四年行決軍流以下人犯除情由可惡外平常罪犯酌其輕重量予減等語應如所請今年重罪人犯停其正法暫行監

禁其平常罪犯酌量減等完結得旨此事關繫甚大所犯輕罪猶可犯十大惡兇亂之人情實即宜正法又各省州縣拏獲強盜仍
有越獄逃脫者此等兇徒豈可監禁又待一年乎著再議具奏○命重修各壇 廟宮殿樂器○癸亥戶部奏禁用小錢限期已滿
見今大錢不敷用度請將小錢再展限三年與大錢兼用 上曰爾等所見甚善自古錢法未有如本朝流行之廣者如宋時錢至

一月更善錄 卷之二十一

元末尚有元時錢至明末尚有惟本朝不但順治錢於今已少即康熙初年之錢亦少前者湖廣總督額倫特來奏湖廣一省小錢甚多若將大錢二百萬貫運去收買小錢則小錢可盡矣朕諭爾但知一省之事未知天下之事以二百萬貫錢運至湖廣能保途間無不測之事乎伊愕然奏稱上諭甚是臣實意料不及總之錢法以期便民若不計便民而但期法之必行嚴加禁止亦有何益凡事必酌量權變不失其宜方有濟耳○甲子文華殿大學士溫達以年老乞休溫旨慰諭以原官致任○以賴都爲刑部尚書○以李錫爲偏沅巡撫○戊辰 上巡幸畿甸啟鑒

二月甲戌九卿等遵旨議覆凡一應立決人犯俱係情罪重大之人不便停決秋後處決人犯去歲朝審秋審暫停一年係奉特旨軍流人犯雖係輕罪應否減等決恩出自 皇上將大學士等所奏之處毋庸議得旨今年秋審著停止情有可疑疑人犯著照常審理具奏見審人犯內罪不至死者亦著減等發落○辛巳刑部議覆江蘇巡撫張伯行奏江南鄉試副考官趙晉自縊身死一案審無受賄情弊但不嚴行看守令重犯得以縊死應將揚州府知府趙宏燧等分別議處具奏得旨各官自當謹罪趙晉果否身死之處著交巡撫張伯行徹底查明具奏○乙酉 上還京師○諭大學士掌院學士等近見翰林等官告假者甚多三分中已去其二又庶吉士等正當學習時遽回本籍至三年考試將近又來考試似此任意告假焉得學習此後除丁憂終養外凡翰林庶吉士告假者應照致仕知縣例不准補用又見在教習進士內有告假者亦應照此例行再科道官員職任甚重亦有任意告假回籍者爾等會同九卿一併議奏尋議翰林院修撰編修檢討庶吉士教習進士並科道官員有告病回籍者悉令休致從之○兵部議覆四川陝西總督鄂海奏洮岷邊外大山內居住生番傾心歸順著洮州土司楊如松管轄應如所請又請給楊如松印信應不准行得旨楊如松管轄土司甚多新投順番人又令伊兼管非給予印信何以管轄著俱照該督所請行○丙申以旱命禮部祈雨詔廷臣言事○庚子子故原任兵部尚書范永勳祭葬

三月乙巳賑甘肅所屬災給牛種流移者所在送還○癸丑差往甘肅工部右侍郎常泰大理寺少卿陳汝咸請訓 上諭朕曾至甯夏其地方有似蒙古所種惟有青稞遇歲不收民即流散爾等到彼應與總督鄂海巡撫樂拜計議教百姓牧養牛羊蓋甘肅地方不比直隸山東與蒙古同宜畜牛羊雖遇荒歲食乳亦可度日又地產肉棧斂斂天門冬煮食之味似山藥又一種沙米亦可食被災諸處爾等親身往勘會同督撫酌議以聞○丁巳原任戶部尚書王鴻緒進所撰明史列傳二百八十卷命交明史館

夏四月癸酉諭吏部教官有教養士子之責員缺甚屬緊要嗣後掣選教官者應取至京師令大臣面試方可補授補授州同人內不堪者甚多亦應取至京師令九卿面試補用出身有不明者著革退○諭和碩親王允祉等古規規模甚好但其數目歲久不合今修麻書宜依古之規模用今之數目爲善○乙亥諭禮部朕惟治天下以人心風俗爲本欲正人心厚風俗必崇尚經學而嚴絕非聖之書此不易之理也近見坊間多賣小說淫辭荒唐俚鄙殊非正理不但誘惑愚民即縉紳士子未免遊目而盡心焉所關於

風俗者非細應即通行嚴禁其書作何銷毀市賣者作何問罪著九卿詹事科道會議具奏尋議凡坊肆市賣一應小說淫穢在心交與八旗都統都察院順天府在外交與督撫轉行所屬文武官會嚴查禁絕將板與書一併盡行銷毀如仍行造作刻印者係官革職軍民杖一百流三千里市賣者杖一百徒三年該管官不行查出者初次罰俸六箇月二次罰俸一年三次降一級調用從之○戶部左侍郎塔進奉以老病乞休允之○丁亥諭大學士等昔人有言正朝廷以正百官正百官以正萬民舉賢退不肖正百官也二者不可偏廢如但舉賢而不退不肖則賢者知所勉而不肖者不知所懲終非勸眾之道惟黜退不肖之員則眾人方知所戒俱勉為好官矣○庚寅刑部奏原任江南江西總督噶禮之母叩閭內稱我親生子噶禮合府下人下毒藥欲將我藥死此等兇惡皆係我少子色爾奇與噶禮之子干都合謀而行又噶禮以昌泰之子干太認為己子令妻私自撫養我丈夫普善在日將噶禮之妻並干太逐出昌泰聚集親戚拆毀我房屋幾至毆打又噶禮家巨富將妻子及親密人等俱往河西務不知何意噶禮奸詐兇惡已極請正典刑等語審據噶禮及噶禮之弟色爾奇子干都並首服噶禮身為大臣任意貪婪又謀殺親母不忠不孝已極應凌遲處死妻論絞弟色爾奇子干都立斬昌泰之子干太發黑龍江當苦差家產並入官得旨噶禮著自盡其妻亦令從死色爾奇干都俱改應斬監候秋後處決餘依議○辛卯 上奉 皇太后避暑塞外啟鑾○王辰宗人府奏輔國公賴士不安靜守分令伊太監李壽串同內太監在各處探聽信息布散流言行事甚屬不端應將賴士公箭革退監禁撤去所屬佐領人員得旨賴士著革退監禁其公爵與應襲之人承襲所撤屬下佐領人員給與承襲公爵之人○己亥禮部等衙門議准署理偏沅巡撫布政使阿琳奏辰州府屬乾州鎮溪所雖處邊隅近蒙 皇上德教覃敷苗人向化比年以來民知向學請設立學校建於乾州自康熙五十四年為始歲科取文武生員各八名以瀘溪縣訓導就近兼攝從之

五月辛丑朔 上駐蹕熱河○己酉以敦禪為內閣學士

由內閣侍讀與士選

○辛酉子故左副都御史阿爾筏祭○甲子江蘇巡撫張伯行

奏參布政使牟欽元將上海縣奸棍張元隆之兄張令清潛匿署中似此豪棍抗官布政使不行緝解反為容納誠恐有誤地方不得不據實糾參得旨牟欽元著暫革職該督察審具奏

六月乙亥諭領侍衛內大臣等朕想拉藏汗一子前往策妄阿喇布坦處娶親一子在青海地方駐紮在策妄阿喇布坦處娶親之子策妄阿喇布坦若託辭愛婿留住數年不令之歸再如駐紮青海之子朕復憐愛留住伊處總無人矣豈不孤危況拉藏汗年近六十自當為其身計伊之人少土伯特人甚多而又秉性兇惡可保常無事乎拉藏汗將兇惡第已殺死朕加褒獎封為扶教恭順汗伊真傾心內嚮不但朕知之即彼處人亦皆知之但厄魯特秉性猜疑又甚疏忽儻或事出不測朕雖憐伊伊雖倚朕此間地方甚遠相隔萬里救之不及事後徒貽悔耳即朕亦無法也朕此想甚屬遠大伊亦係曉事之人若不深謀防範斷乎不可朕為拉藏汗時常留意也○丙子先是原任戶部尚書希福納叩闕告伊家人長命兒等夥同惡棍桑格等訛詐伊家財物又強勒放出家人